

ପାତ୍ରମାନଙ୍କରିତା ଏହାରେ ଅଧିକ ପାତ୍ରମାନଙ୍କରିତା ଏହାରେ

## *Cap. XIV. De Comitate.*

**S**ic ergo fuit doctrina de virtutibus, quæ hominem respiciunt absolute; jam sequitur de illis virtutibus, quæ hominem respiciunt  $\chi\epsilon\pi\kappa\omega\varsigma$ , id est, relativè.

S C H O L. Nimirum hæ virtutes in societate sunt pō-  
fitæ, & præter habentem etiam ad alios diriguntur.

2 Virtus moralis in relatione posita, est vel  
conversationis, vel communicationis.

SCHOOL. Græcè vel ὁμελητική, vel κριτικωνητική.

3 Virtus moralis in conversatione pertinet  
vel ad alios homines simpliciter, vel partim ad  
alios, partim ad nos.

4 Quæ pertinet ad alios homines simpliciter, est duplex: Comitas, & Urbanitas.

5 Comitas est virtus conversationis, qua homo cum aliis seriò quidem, sed placide & sine offenditioне versatur ac vivit.

SCHOL. Dicitur etiam Humanitas, φιλανθρωπία,  
item affabilitas, οὐαγογέμη, χαρεμπόρης; Germanicè  
Freundlichkeit / Leutseligkeit / quia per hanc virtutem ho-  
mo in compellando & audiendo facilem sese & affabi-  
lem præbet. Respectu principum & magistratus dicitur  
Popularitas. Humanitatis exemplum habemus in He-  
thæsis, Gen. 23. v. 4, 6. à quibus quum Abrahamus petieret  
justâ pecuniâ possessionem sepulchri, summâ humanita-  
te & comitate concesserunt. Et sequente cap. v. 19. mi-  
rabilis est humanitas Rebeccæ erga Eleazarum servum  
Abrahami. Christus comiter alloquitur proditorē suum,  
Matth. 26. v. 50. Titus Vespasianus non solùm senatorès  
Romanos, sed etiam privatos homines publicè salutabat,